

1
1915

კვირა, 6 დეკემბერი 1915 წ.

ფასი 10 კაპ.

რედაქციის ადრესი: თბილისი, თლღას ქუჩა № 6.




ქართული
საბჭოთაო

იუმორისტ.
ჟურნალი

მშენებელი მათრახი

№ 30

ტ. შიშინაძე



— თქვენ დაბოლოვს სამი უფროსი გყავთ: შოლტი, მათრახი და მე. პედაგოგიკა აქ რა შუაშია!

სანიმუშო სიტყვა

შედგენილი ეშმაკის მიერ საზოგადოთ ყოველგვარ ქართულ კრებისათვის, ხოლო კერძოთ ქ. შ. წ. კ. გ. საზოგადოების კრებისათვის.

ბატონებო! 1)

როგორც ხედავთ, ჩვენმა თავმჯდომარემ ჩვენს წინაშე წამოაყენა ფრიალ საინტერესო და მძიმე საკითხი ქართულ წიგნებში კორექტურის გასწობის შესახებ 2).

კორექტურა 3) არ არის ისეთი უბრალო რამ, როგორც ეს პირველი შეხედვით მოგეჩვენებათ, არამედ არის უფრო ძნელი და მძიმე. მოვიყვან მხოლოდ ერთ ცოცხალ მაგალითს, რომ უბრალო ლაპარაკითა და ზედმეტი სიტყვებით თავი არ შეგაწყინოთ. ბ-ნმა შ. ქარუმიძემ მოგახსენათ სიტყვა „მდგმოიარობა“ 4) რას ნიშნავს, ბატონებო,

1) ზრდილობისათვის შეიძლება მიემატოს სიტყვა: „და ქალბატონებო“-ც.

2) ლაპარაკის დროს შეიძლება ზურგი გამგებობას შეაქციოთ და პირი საზოგადოებას, როგორც ეს ბ-ნმა ილია ნაკაშიძემ იცის, ან და უკუღმა, როგორც სხვა ორატორები შევბიან. შეიძლება განის მიმართულებაც მიიღოთ, როგორც ბ-ნი შალვა ქარუმიძე სჩადის ხოლმე. ამასთანავე ლაპარაკის დროს შეგიძლიათ ერთ ალაგას იდგეთ, როგორც საზოგადოთ მიღებულია, ან ისჯინოთ წინ და უკან, როგორც ბ-ნი ილ. ნაკაშიძე შევბა. ამას სიტყვის ღირსება-ნაკულუღვანობაზე მაინც და მაინც დიდი გავლენა არა აქვს.

3) თითონაც ჩინებულად ედავთ, რომ ღერძი სანიმუშო სიტყვისა არის კორექტურა, ამიტომ აუცილებლათ საჭიროა ამ სიტყვიდან უკვე დაიწყეთ ნელ-ნელი აღდეგება. შევნიშნავ, რომ სიტყვის ღირსება, რამდენათაც ჩემი გამოცდილება მიკარნახებს უაღრესად დამოკიდებულია დროთა და მიზან შეწონილად აღელვებაზე 4). მართალია თავის თავად კორექტურა არაფერ ამალეღვებელ ელემენტს არ შეიცავს, მაგრამ აღელვება მაინც სჭირია.

5) აქ ბ-ნი თავმჯდომარე, თუ კერძო ბაასში არაა გართული, უთუოდ ზარს დაარაწკუნებს, ვინაიდან ჩვენ შევვხებთ კერძო პიროვნებას და ისიც აღელვებულის ტონით. თქვენ შეგიძლიათ არავითარი ყურადღება არ მიაქციოთ ამ გაფრთხილებას, ვინაიდან თუ შეედავთ, საგანი ლაპარაკისა უთუოდ დაგაფიწყდება და სხვაზე გადახვალთ.

4) უმორჩილესად გთხოვთ ერთმანეთში არ აფრიოთ ორი ერთი მეორის საწ ნაალმდგო შემცენება, სახელდობრ: აღელვება და ხმის ამალღება. ეს უკანასკნელი შეიძლება თვით საზოგადოებამ მოითხოვოს, (როგორც მაგალითად ბ-ნი გ. ცინცაძის მოხსენების დროს) ხოლო აღელვებას საზოგადოება არასოდეს არ მოითხოვს.

სიტყვა „მდგმოიარობა“ 6) ცხადია არაფერს ბქარუმიძეს რომ ენებებია და კორექტურა გასწობრებია აღნიშნული სიტყვისა, ჩვენ შივიღებლი ნამდვილ სიტყვას— „მდგომარეობას“ 7).

ვინ არ იცის, ბატონებო, თუ რამდენათ აუცილებელია ჩვენთვის მდაბიო ენაზე დაწერილი წიგნები და ჟურნალ გაზეთები! ამიტომ მე მოვიტხოვ და ჩემთან ერთად დარწმუნებული ვარ ყველა აქ დამსწრეც მოითხოვს, რომ კორექტურა საგამომცემლო სექციის საქე იყოს და არა სასკოლო, ანუ საისტორიო და საეტნოგრაფიო საზოგადოებისა.

ბატონებო! 8) თვით მდებარეობა ჩვენი სამშობლოსა გეოგრაფიულია და ის გვიკარნახენათლად, რომ ჩვენს ხალხს უყვარს წიგნის კითხვა და საზოგადოთ გონებრული ვარჯიშობა, მაგრამ თუ ჩვენ წიგნის მაგავრათ მას კორექტურას გავუგზავნით, ნურას უკაცრაავათ ზურგი შემოგვაქციოს და განზე გავგიდგვს, როგორც ამას მოითხოვს ბუნებრივი ინსტიქტი. ჩვენ კი ამ დროს რას ვშვებთ? როცა საქმეა საჭირო, მაშინ უბრალო ლაპარაკსა და ლამაზი სიტყვების ხარჯვას ვანდომებთ დროს, ხოლო იქ ჩვენი მოძმენი უკუნეთ სიბნელეში არიან ჩაცვინულნი.

ბატონებო! იწამეთ ღმერთო, მიაქციეთ მთავარი ყურადღება აღნიშნულ საკითხს, რომელიც მკიდროთ დაკავშირებულია საგნის ასე თუ ისე გადაჭრასთან. ვინ იქნება ისეთი უვიცი, რომ მას არ ეხელმწიფებოდეს ამ კანონიერი მოთხოვნილების

6) მღელვარებასთან ერთად საჭიროა ხმასაც უმატოთ.

7) შეიძლება ხალხიდან ვინმემ წამოიძახოს ეგ სიტყვა სხვანაირადაც, მაგრამ თქვენ ამას უმეტეს აღელვებითა და ხმის ამალღებით უნდა გასცეთ პასუხი და არა ფაქტიური განმარტებით.

8) თუ აქამომღე მოითმინეთ, ახლა აუცილებელია აღელვებასა და ხმის ამალღებას დაერთოს ვგრედ წოდებული შესტიკულიაცია. მარჯვენა ხელი ჯერ გულზე უნდა მიიდვთ, შემდეგ განზე გასტყორცნოთ 9) და მასთან ერთად შეთანხმებით შეანძროთ თავიც, დაახლოვებით ისე, როგორც წყალში ბანაობისას ბატმა და იხვმა იცის, ან როგორც კრებაზე ბ-ნი ს. კედია შევბა ხოლმე.


9) ხელის გაქნევის დროს საჭიროა მკიდრი სიფრთხილე, რომ გაქნეული ხელი თავში არავის მოხედეს, რადგან კრებას ისეთი პირობიც ესწრებიან, რომელთათვის საზოგადო საქმეს დიდი ფასი არა აქვს და ასეთი თავში ჩაფარება შეიძლება შეურაცხყოფათაც მიიღოს.

შეგნება და ღირსეულად მისი გადაჭრის მიღება¹⁰⁾. ვინ. თუ არ ჩვენ, უნდა მიაქციოს ყურადღებ-
 ბს იმ აუტანელ ეკონომიურსა და ზნეობრივ-კულ-
 ტურულ პირობებს, რომელშიაც დღეს ქართველო-
 ბის უმეტესი ნაწილი იმყოფება? დიახ, აქ დაყოფ-
 ნება აღარ შეიძლება და საჭიროა თითოეული პი-
 როვნება თავის პოზიციასზე იდგეს. ვინ იცის რო-
 დისა და რით გათავდება ეს უმეგალითო ომი, ეს
 უჩვეულო და სულის სიღრმემდი შემადრწუნებელი
 სისხლის ღვრა; ვინ იცის როდის მოვლება ბოლო
 ამ შეხლა-შემოხლისაგან გამოწვეულ არევ-დარევას,
 ვინ არის თავდები, რომ ხვალ ჩვენი ქვეყანა არ
 აეხვევა აბოზოქრებულ ზღვის ცეცხლის ალებში
 და ჩვენს მთებზედაც არ გასკდება მესხის გრიგალი
 42 არშინიან ზარბაზნებისა? 12) ვინ მომცემს ბატო-

ნებო ამის იმედს, რომ ყოველივე, ის რაც დღეს
 აქ წარმოითქვა აღარ განმეორდება? ჩვენ ისეთი
 დაუდევრები ვართ, იმდენი ლაპარაკი და კინკლა-
 ობა გვიყვარს რომ უბრალო საგანზედაც მთელი
 თვეობით შეგვიძლია ვიმსჯელოთ, თორემ ისეთ
 დიდსა და მძიმე საკითხზე, როგორც არის
 კორექტურა, ჩვენ მთელი წლითაც ვილაპარა-
 კებთ.

წელანაც მოგახსენეთ და ახლაც ვიტყვი, რომ
 კორექტურა არ არის ისეთი უბრალო რამ, რო-
 გორც¹⁴⁾...

ეშმაკი.



* * *

ვინ იცის, მყობადი
 ხვალ ვის რას მოუტანს;
 ჩვენს წარმატებას-კი,
 სამზღვარი არ უჩანს.

აი, ამ წინაზე
 გაზეთი ვნახე და
 ჩემს გულში მაშინვე
 აღდგომა გათენდა!

იქ სწერდენ:
 — გერმანეთს

საქმე აქვს ცუდათო...
 ფაფხურობს, ვითომდა
 ცა უჩანს ქუდათო,
 თორემ, რაც იქ ხდება
 ენით არ ითქმისო:

მდიდარი ქვეყანა
 გაკოტრდეს თითქმისო.

მოისპო...

ქურდობა,

ძარცვა

და ლღეტაო...

სა-ტუ-სა-ლო-ები

სულ დაიკეტაო...

10) აქ საჭიროა ხალხს გადაავლოთ თვალი და, თუ
 მოწყენილობას შეატყობთ, აუცილებლათ უმატოთ სამივე
 კლემენტს: მღვღვარებას, ხმას და ქესტიკულიაციას¹¹⁾.

12) ეს ის ადგილია, სადაც აღევლება მაც და ხმის ამა-
 ლლებამაც უმწვერვალეს განვითარებას უნდა მიაღწიოს. ცუ-
 დად თუ ბევრად ეს ეხერხება ბ-ნ დ. ხარტიშვილსა და შ.
 ქარუმიძესაც. აქედან მღვღვარება აღდება დაცხრომის ნანახს¹³⁾
 და ხმაც დაბლა ეშვება.

11) ზოგიერთმა სულწასულმა და მოუთმენელმა, უღის-
 ციბლინო დამსწრემ შეიძლება წამოიძახოს: — კმარა, ბატონო,
 ნუ გეტანჯავთო, მაგრამ თქვენ ეს შენიშვნა ვითომც არ
 გაგიგონიათ. თავი ისე უნდა გეჭიროთ, როგორც ქვეყნად
 ჩამოსულ ღმერთს და დამსწრეთა გროვა თქვენთვის უბრალო
 ჯიკვებს წარმოადგენდეს. ეს იმიტომ, რომ თუ თქვენმა მღვ-
 ლვარებამ დაჰკარგა ხელოვნური ხასიათი და ბუნებრივზე
 გადავიდა, მაშინ მოსალოდნელია ისე დაგებასთ ენა, როგორც
 ეს ბ-ნ გ. იმნაიგიშვილს მოუვიდა, როცა სასკოლო სექციის
 საქციელი ფულის საკითხს დაუახლოვეს. ერთი სიტყვით
 ღმერთმა დაგიფაროსთ არა თუ მარტო ბუნებრივი მღვღვარ-
 რებისაგან, არამედ ყველაფერი ბუნებრივისაგან.


13) უნდა მოგახსენოთ, რომ არის სხვაგვარი ხელოვნ-
 ნებაც. მაგალითად ზოგიერთი ორატორი მღვღვარებასა და
 ხმის აღმატებას თანდათანობით ანვითარებს, ვიდრე სიტყვის
 დასასრულამდე.

ჩემის საკუთარის აზრით ეს არ არის მიზანშეწონილი
 ქართველი საზოგადოთ იმდენს ლაპარაკობს, რამდენსაც იმავე
 საგანზე ილაპარაკებდა ჩვეულებრივი კაცი. ამიტომ თუ ქარ-
 თველმა ორატორმა თავიდანვე შეაყოლა ხმის აწევა დმ მოი-
 სურვა ბოლომდე განგრძობა, შეიძლება დიდი მარცხი შემ-
 თხვეს: შეიძლება მას ხმა აღარ ეყოს თვით გვამი ადამიანისა
 გასკდეს, რის მაგალითი არა ერთი და ორი ყოფილა საქარ-
 თველოს სხვა და სხვა კუთხეებში.

14) აქედან ჩვეულებრივსამებრ იწყება, არა თუ სხვისი
 ნათქვამის, არამედ თავისი საკუთარი თქმულების განმეორება,
 შემდეგ განმესამება და ასე ბოლომდი, ვიდრე ვინმე მაღლია-
 ნი მოთმინებიდან არ გამოვა და...

— ჩვენ კი სხვა
ხალხნი ვართ!!
სხვაგვარი ჯიშოო...
ჩვენ გაკოტრებისა
არა გვაქვს შიშოო...
ვიციტ ძარცვა-გლეჯა,
კაცთა მკვლელობაო...
ქრთამის, ზედმიწევნით
ვიციტ ხელობაო.
სატუსაღოს დღეში
თითოს ვაშენებთო,
საყვარელ სამშობლოს
მითი ვამშვენებთო,
ააშენეს... ხელავ
უკვე სავსეაო!
ჩვენი წიმსვლელობის
საქმე ასეაო.
ვხელავ,
გული სტკებება,
სულიც იხარისო
მე მაცოცხლებს ბედი
სამშობლო მხარისო.

კოლო.



მესტვირულ-გადაკრული

(დიდინა სოხუშუქისა)

ტომარა მოკიდებულნი
თბილისში მოვეშურები:
მომაქვს სოხუმის ამბების
ცხელ-ცხელი ხაჭაპურები.
დაზოგვით უნდა ვაჭამო
და დრო გაშვებით მკითხველებს,
თორემ ვინც ერთად ბევრს შესჭამს,
ის იმწრით ამოიხველებს.
ბაშ ასე, შინდა ტომარში
აწ ფრთხილად ჩავყო ხელია,
რომ ხაჭაპური მოვიგდო,
რომელიც უფრო ცხელია.

ქალაქის თვითმართველობის
ჯერ ამოგზიდოთ ნაზუქი, გიგლიოთქა
მისგან ხომ ბევრი გვინახავს
ჩვენ ნაპურები, ნასუქი;
გაცლაც რომ ენანებოდა
და ზედ რჩებოდა კბილები,
მისთვის უცემდა ყელ-კუჭი,
მისგანვე ჩანატკბილები.
ცხოვრების წესი ესაა
და ჩვენც რა გვეთქმის ამაზე,
ათას რომ ნერწყვი სდიოდეს
ორიოდ პირის ჭამაზე.
მხოლოთ რომ სჭამენ და პირებს
აცმაცუნ-აწკლაპუნებენ,
ამ დროს იქ ერთი მეორეს
თავში ნუ უტყაპუნებენ.
თორემ ქუჩაზედც გადმოვა
ეგ სამარცხვინო წესები
და მაშინ მე—გლახ-მესტვირეც
მიხილოთ ანაკვნესები..

აგერ ქალაქის აფთიაქვს
რომ აპბრაწვია ფერდები,
უპ, ეს რა ცხელი პურია!
და მეც ამაზე ვრჩერდები...
სწეწენ ამ მსუქან ხაჭაპურს
ჩხიკვნი, ყვავნი და კაკკაქნი,
ბევრგან გულ გამოლადრულსა
კიდევ აქვს ჩამონაბხაქნი.
ბრჭყალნი რომ გაჰკრეს, გამოჰკრეს
და არ დაინდეს ბეჩავი,
არ დაზჩენილა არ ვისგან
გაუწეწ-გაუჩეჩავი.
აობათ, რომ გემრიელია
ეს ცხელი ხაჭაპურიცა,
ამან დაჰბადა ამ ხალხში
მტრობაც, ქიშპიც და შურიცა.
საჩხუბრათ წაკაპიწებულთ
ჩაუცვამთ ჯავშან-კაბები.
ჰხამს, რომ მათ დავაყლაპინოთ
სპერმაკუდინის აბები!.

აქ ხურდა ფულის ხმიადმაც
დაჰბადა აურ-ზაური:
წამლად რომ დაგჭირებოდათ,
არსად არ სჩანდა შაური.

ამ დროს კი ზოგ-ზოგ ვაჭრუკას
გადაემალა ფულები:
აბაზი, სამშაურები
და ვერცხლის უზალთუნები.

და ერთ დღეს... ჰოი, განგებავ!
შეიქნა ჩხრეკა, წრიალი,
გადამალულმა ვერცხლებმა
კვალად დაიწყეს ჩხრიალი.

წარეკეს პოლიციაში,
ვით დამნაშავე, თულები.
პირს კატა ეცათ ვაჭრუკებს;
დარჩენ გულ დათუთქულები:
ჩასწვათ ყელ-გული ხმიაღმა,
ვერ მოინელეს კარგათა;
ეხლა თავიანთ დანაკლისს
ჩვენზედ აწერენ ხარკათა...

აწ დასასრული მოითხოვს
თქვენგან დაგდებას ყურისა:
ჩვენცა გვინახავს ტკბილ გემო
ბალ-ალურ ხაჭაბუთისა.

მაგრამ დავსწყევლე ის წუთი,
როს იქ ვიხილე ჭამანი:
ეკვეთნენ მგლურის მადითა
სხვა და სხვა ჯურის მამანი,
მიჰქონდათ იერიშები
კოვზებით, დანა-ჩანგლებით,
თითქოს სამკალ პურს მღუშები
მისევიანო ნამგლებით.

არ ვიცი, მათ რა მოსწონდათ:
შინაარსი, თუ მიზანი?
ერთიც თუ ღირდეს კიტრათა,
მკითხველო გამოიცანი,
აქციეს სუფრა გაშლილი
ბრძოლა გადახდილ ველათა...
იქ, სადღაც შორს თუ სისხლს ღვრიან,
ჩვენ ხომ ვართ უზრუნველათა!..

თან რომ შეხურდენ, პირთავან
წამოაქუხეს რეჩები,
სმენით და მეტის სიცილით
კინაღამ დასქდენ ფეჩები...

მეც ვიყავ... ისე... არც ვიყავ:
იყო, პირს არა იღო რა
კამეჩი მყავდა ყოყინა
სძოვდა და არა იყო რა.

ონისიმე.

თოკის ნაჭერი

უპირველეს ყოვლისა უადრესი მადლობა მო-
მიხსენებია ს. აბაშელისათვის, რომელმაც პირადათ
გამაცნო ჩვენი ცნობილი ლექტორი გრიგოლ ამა-
ლლობელი. უნდა მოგახსენოთ, რომ მე წარჩინე-
ბულ გვამთა გაცნობით ბედი არ მანებივრებს:
ტოლსტოი ისე მოკვდა, რომ არა თუ მისი პირა-
დათ გაცნობა არ მეღირსა, ნახვითაც ვერა ვნახე.

ვერ ვი-
ცნობ აგრეთვე სრულიად საქართველოს ფალეევანს
კოსტა მაისურაძეს, რომელიც დიდი ხანია უცხოე-
თის ფალევენებს ებრძვის თავგანწირვით ჩვენი მამუ-
ლის სასახელოთ. ამის შემდეგ, რა ვასაკვირველია,
უღრმესი მადლობა მოგახსენო ბ. აბაშელს, რო-
მელმაც ჩვენი ცნობილი ლექტორი გრიგოლ ამა-
ლლობელი პირადათ გამაცნო.

ლექციის 300 თეზისი თითქმის ბოლომდე
მქონდა წაკითხული, როცა თვით ლექტორი გავი-
ცანი და დიდის კრძალვითა და მორიდებით შევც-
ქეროდი ახალ გაცნობილ მკვლევარს. უმნიშვნელო
მოკლე ბაასის შემდეგ ბ. ამალლობელმა სთქვა:
„გუშინ თურმე წ. კ. ს. კრებაზე მე მეძებდენ:
უნდოდათ ეთხოვათ, სადღეისო ლექცია გადამედო
და დარბაზი მათი კრებისთვის დამეთმო. ძალიან
ვნანობ, რომ არ ვიყავი. წ. კ. ს.—ს დარბაზს კი
არა, ჩემს თავსაც დაუთმობდიო“.

მართალი მოგახსენოთ, მე ძალიან გამანცვიფ-
რა და თან მეტის მეტათ მასიამოვნა კიდევ ახალ-
გაზრდა მეცნიერის ესოდენმა თავდადებულობამ:
საკულთარ თავსაც დაუთმობდა იმ საზოგადოებას,
რომლის გამგეობის წევრებს ერთმანეთისთვის „დე-
და-ენის“ კორექტურაც კი ვერ დაუთმობთ! შეადა-
რეთ, ბ-ბო, ამ ორი დათმობის ღირებულებანი და
თქვენვე მიხვდებით, რომ აქ ორი პოლიუსია, ორი
მოპირდაპირე წერტილი—უმადლესი მწვერვალი და
უმდაბლესი ჯურღმული...

სამწუხაროთ ლექტორი დარბაზში გაიწვიეს, ლექცია უნდა დაწყებულიყო და ჩვენი ბასიცი შეწყდა.

დარბაზში რომ შევედი, ისეთმა გრძობამ შემიპყრო, როგორსაც, ალბათ, სიკვდილით დასჯის დამსწრენი განიცდიან. რაკი ბ. ამალლობელის თეზისებს ვიცნობდი კიდევ, რა თქმა უნდა ისიც კარგათ ვიცოდი, რომ მას აქ, ამ დარბაზში, საჯაროთ უნდა ჩამოეხრჩო ნოე ჟორდანი და ყველა მისი თანამოაზრენი. მართალია, ეს ვაჟბატონები სწორეთ სახრჩობელას ღირსნი არიან და მათი სიკვდილით დასჯა სამშობლოს ერთგულ სამსახურს ეთანაბრება, მაგრამ ავაზაკის ჩამოხრჩობის ყურებაც ხომ სამძიმოა კაცისაოვის. ამ.ს გამო შურის თვლით დაფუწყე ცქერა იმ სამ გენერალს, პირველ წყებაში რომ ისხდენ და მხიარულათ იცინოდენ რალაზედაც. „ამათ რა უჭირთ!—ფიქრობდი მე: —ალბათ არა ერთხელ უყურებიათ ჩამოხრჩობისათვის და მიტომაცაა აგრე უდარდელათ რომ ელოდებიან კარზე მომდგარ საშინელ ჟღერას!“

მაგრამ აი დაიწყა ლექცია და ჩემი გუნებაც შეიცვალა. უპირველეს ყოვლისა მე გავიგე, რომ ჩვენ—მე, ის სამი გენერალი, თვით ბ. ამალობელიც და ყველა ქართველები—„ის აღარა ვართ, რაც ვიყავით და ცოტა ხანს იქით არც ის ვიქნებით, რაცა ვართ“. ჩვენ—ე. ი. მე, ის სამი გენერალი, პირველ წყებაში შემომატებული უცხო ტყავების მოსასხამიანი ბანოვანი და თვით ბატონი ლექტორი ამ ჟამათ, თურმე, „ვღელავთ ისე როგორც არასოდეს არ შეგვეძლოა ღელვა“. თურმე ჩვენ ე. ი. მე და ზემორე ჩამოთვლილი პირნი „ბრძოლის ცეცხლით ვყოფილვართ ჩამოსხმულნი“ და იმ სამ გენერალს, მე, და სხვებს მოსე წინასწარმეტყველი გვიხსენიებს, როგორც უბადლო ოქრომჭედლებს. მიუხედევათ ამისა ჩვენ დიდი უბედურები ვართ და თვით - სერბეთი“, სადაც მცხოვრებლების მესამედი ამოჟლიტეს, მესამედი მიწა-მამულიდან აპყარეს და დანარჩენი ტყვეთ შეიპყრეს, ჩვენზე გაცილებით ბედნიერია, რადგანაც მას ჰყავს პაშიჩი, რომელსაც მშვენივრათ შეუსწავლია „ვეფხის ტყაოსანი“ და თავის სამშობლოს შოთას სიტყვებით ამხნევებს: „სჯობს სიცოცხლესა ნაძრახსა სიკვდილი სახელოვანიო“.

ჩვენი უბედურების მიზეზი ქართველი მარქსისტები არიან. ამათ თურმე ყურიც არ ათხოვეს ილია ჭავჭავაძის წინადადებას—ჯერ ჩვენი ეროვ-

ნული საქმე მოვაგვაროთ და შემდეგ დაივიწყოთ კლასებათო და ნ- ჟორდანიას თაოსნობით, ანუ ლეს, არც აცივეს და მთელი საქართველო ოვალის დახამხამებაში კლასებათ დაჰყვეს. ეროვნული მთლიანობის ასე დასაქუცმაცებლათ ნ. ჟორდანიამ შემდეგ ხერხს თურმე მიმართა: თავი მარქსისტათ გამოაცხადა, თუმცა ბ. ჟორდანიას შეხედულებანი დიამეტრალურათ ეწინააღმდეგებიან მარქსისა და ენგელსის შეხედულებებს.

შეუდარებელი იყო ლექტორი განსაკუთრებით მაშინ, როდესაც მარქსის აჩრდილს მიმართა:

— ოჰ, სადა ხარ ეხლა მარქსო, რომ შენებურის მკვეთრი ღიმილით *) შესძახო: moi je ne suis pas marxiste!

ეს ფრანგული ფრაზა ბ. ამალობელმა მიუწოდომელი პარიზული „პრონონსით“ წარმოსთქვა.

შემდეგ ლექტორმა ჩინებულათ დაახასიათა სულელური, მაგრამ მაინც გენიოსური მოძღვრება კარლ მარქსისა, რომელიც თურმე გერმანიაში კარგათ ცნობილი მკითხავი იყო, თანაც ისეთი მკითხავი, რომლის არც ერთი წინასწარმეტყველება არ გამართლდა. მაგალითად, მარქსმა თურმე იწინასწარმეტყველა, მაგანსა და მაგან წელში გამოვიდოდი გველეშაპი, ანუ დიდი კაპიტალი, და ჩაჰყლდა ანაგვს ყველა პატარა გველეშაპებს, ანუ პატარა კაპიტალებსო. ეს მკითხაობა გამტყუნდა. არ გამართლდა აგრეთვე მარქსის მეორე მკითხაობაც: მაგანის წლისა მაგანის თვისა მაგანსა დღესა დასაფლეთ ცის კიდურზე სამი კუდიანი ვარსკლავი გამოჩნდება, მაშინ მთელი ქვეყნის მუშები ერთბაშათ გატიტლიკანდებიან, გახულივანდებიან და მდიდრებს დაერევიან, — ამოჟლეტენ და მოხდება სვრანი და ძვრანიო.

მარქსის და ენუქას შედარებას რომ შეუდგე ჩვენი ნიჭიერი ლექტორი და თვალ ნათლათ დაინახვა დამსწრეებს, რაოდენათ მაღლა სდგას ენუქა მარქსზე და ენუქას ანდერძი მარქსის ანდერძზე, მე, ჩემგან დამოუკიდებელ მიზეზის გამო, დარბაზი დაუტყვე...
—

ეხლა კლუბის ზალაში, ეჭვი არ არის, სახრჩობელათა რაზმები იქნება ჩამწკრივებული და თი-

*) როგორც მოგვხსენებათ, ბ. ამალობელი კ. მარქსის იდეური მტერი, მაგრამ პირადი შეგობარი იყო და ამიტომაც მოიხსენია ის „მკვეთრი ღიმილი“, რომელიც არა ერთხელ უნახავს მის სახეზე.



თ.ა სახრჩობელაზე, ალბათ, რამდენიმე დასელი ქა-
ნაობს. რუსები ამბობენ, სახრჩობელის თოკმა ბე-
დნიერება იცისო. ნუ დაიზარებს ნიჭიერი ლექტო-
რი და ერთ-ერთი სახრჩობელის თოკის ნაჭერი,
თუნდ ნ. ჟორდანაასი იყოს, მითავაზოს. მე მინდა
იმ თოკის პატარა მათრახი გავაკეთო და ს. საჯაო-
ხოში გაუგზავნო საჩუქრათ ბ. ამაღლობელის მამას:
დარწმუნებული ვარ კარგათ მოიხმარს და, ვინ იცის,
იმ მათრახმა იქნებ მის შვილს ბედნიერებაც მოუ-
ტანოს!...

თავუნა.

მ ა ძ ი ე ბ ე ლ თ.

(საიდუმლო მიწერილობა)

„უწმინდესი სინოდის ობერ პროკუ-
რორად ნამუყოფ საბჭოს თანახმად თხრ-
ვისა ნება ებოძა ატაროს თავისი მე-
უღლის გვარა--დესიატკოვსკი“.

დებუებიდან.

„სახელმწიფო საბჭოს წევრს ნება
ებოძა ატაროს თავისი მეუღლის გვარა
—ტალიზანი“.

დებუები. (კაპკ. სფ. 267)

ვინც ჩვენ ცხოვრებას ცოტად თუბევრად იც-
ნობს, მას უეჭველია მოეხსენება, რომ საქართვე-
ლოში გარდა სამი მთავარი წოდებისა (გლეხი, აზ-
ნაური, თავადი.) არსებობდა და არსებობს დღესაც
კარგა მოზრდილი წოდება „მაძიებლებისა“.

მოგეხსენებათ ისიც, რომ მთელი სიმძიმე სა-
სოფლო სახელმწიფო მოვალეობათა, მიუხედავათ
მათი საერთო მნიშვნელობა საქიროებისა კისრად
აწევს მხოლოდ გლეხობას. ამიტომ **მაძიებელთა** წო-
დება უმთავრესად*) გამომდინარეობს გლეხობიდან და
სხვა და სხვა საბუთების საშვალეობით სცდილობს
თავი აზნაურობაში გადაირიცხო. ეს საქმე მოი-
თხოვს ძლიერ დიდ ხარჯსა და დროს, თუ საქმეს
სათავეში ისეთი ენერგიული და ნიჭიერი გამგე არ
უდგას, როგორც ცნობილი აშორდია ბრძანდე-
ბოლა.

ვინ მოსთვლის რამდენი შეძლებული ოჯახი
გაკოტრდა ამ საქმის გადამკიდე. უმეტესობა მიზანს
ვერ აღწევდა, მაგრამ ხშირად მიზან მიღწეულიც
და ბოლოს „აზნაურ—პროლეტარის“ მდგომარეო-
ბამდის აღწევდა.

ისტორიული ფაქტია, რომ ამ მხრივ ქართველი
კანონმდებლობა ქალებს მეტ უპირატესობას
აძლევდა. მაგალითად საკმარისია გლეხის ქალი
თავადმა ითხოვოს, რომ უკვე „კნენას“ ხარისხი
დაიმსახუროს. ამით ხელგაშლით სარგებლობდენ
ჩვენი მეზობელი სომხები (ვაჭრები) და თავის ქა-
ლებს ქართველ თავადებს აძლევდენ, რასაკვირვე-
ლია მხოლოდ ხარისხის მოსაპოვებლათ.

ბატონებო! დღეს საქმე ძირითადათ იცვლე-
ბა და ჩვენს „მაძიებლებს“ ფართე სამოქმედო ას-
პარეზი ეხსენებათ. უბედურობა ისაა, რომ ჩვენ ყვე-
ლაფერში დავვიანება ვიცით და თავის მაშინ გა-
მოვუყვებთ, როდესაც უკვე გვიანია. პეტროგრადის
დებუშათა სააგენტოს თითქმის მუდამ დღე მოაქვს
ამ მხრივ ფრიად მნიშვნელოვანი ცნობები. თითქმის
აშკარაა, რომ ჩვენ უახლოვდებით იმ შორეულ
წესწყობილებას ადამიანთა დამოკიდებულებისას,
რომელსაც მეცნიერები ვგონებ „მატრიარხატს“
ეძახიან. შესანიშნავია მატრიარხატი მით, რომ ოჯა-
ხში ქალი უფროსობს და შეილებიც დედის გვარ-
ზე მიდიან. ეს უმნიშვნელოვანესი შედეგია თანამე-
დროვე ომისა და უეჭველია ამ მხრივ კაცობრიო-
ბამ მდევის ნაბიჯი გადმოსდგა წინ.

ამიტომ ყველა „მაძიებელს“ შეუძლია გამო-
ნახოს სადმე სადმე ერთი მიყრუებული თავადის,
თუ აზნაურის ქალი, დაიწეროს მასზე გვარი და
იშუაღმომლოს გადარიცხვა მეუღლის გვარზე. ამ-
გვარი ხერხით გაცილებით ადრე და შედარებით
უფრო იაფად შეგიძლიათ მიღწევა თქვენი იდეალე-
ბისადმი.

მორიელი

P. S. თავისთავად ცხადია, რომ ეს საიდუ-
მლო მოწერილობა არ უნდა გახმაურდეს, ვინაიდან
ამას შეიძლება არა სასურველი შედეგები მოჰყვეს:

ა) შეიძლება მთავრობამ შეატყოს გლეხობის
რიცხვის შემცირება გადასახადების ჯამის შემცი-
რებით.

ბ) და რაც უფრო ჭკუასთან ახლოა, შეიძლე-
ბა თავად-აზნაურობის ქალებმა კურსი ასწიონ, მით
უმეტეს რომ დღეს ბრძოლაა და დარღნელი, და-
კეტილია. მაშ სიფრთხილე და სიჩქარე, მაძიებე-
ლნო!

ეროდეთ თფილისის ქუჩებს!



„ეშმაკის მათრახის“ რედაქცია მამაშვილურის მზრუნველობით ურჩევს ყველას ვისაც საკუთარი ავტომობილი არა აქვს ნუ გამოვა ქუჩაში, ვიდრე ავტომობილზე უჩქარეს სირბილს არ შეისწავლის.

გამოცანა.

(რაჭა ჯეხუმისთვის)

გმირსა ამ გამოცანისას
გულზე ჰკიდია ჯვარია,
სოფლის მოძღვარი ბრძანდება
უყვარს შემწვარი ცხვარია.

მოყვანილობა ზორბა აქვს
ვით გმირი ტარიელია,
წვერი თხის მეფეს მიუგავს,
გოგრა კი ცარიელია.

ასეთი მღვდელი მეორე
არა ჰყავს რაჭა-ლეჩხუმსა,
ერთი სტაქანი ღვინისთვის
მოგყიდის ბარძიმ-ფეშხუმსა.

თუმც სადსე ქვევრიც რომ ნახოს
მასაც არ დაერიდება,
გაიძრობს მყისვე ფარაჯას
და თავქვე ჩაეკიდება.

ძველ ადათ წესებს მხნედ იცავს
ეს ჩვენი გმირი პასტორი.
(რწმენით და მიმართულებით
ბრძანდება კონსერვატორი).

ივარგა ჩემმა ბიჭმა.

(გურჯული სტენა)

კეთილ საქმეში ხალხისთვის
მართლაც ურგები მჩვარია,
მაგრამ ტყავისა ძრობაში
იგი სწორ-უბოვარია.

ამბიონიდან ხალხს აძლევს
შემდეგსა დარიგებასა:
— შეილებო მოძღვრებს აქცევდეთ
ზედმეტსა ყურადღებასა.

ასვით, აქამეთ უზომოთ,
ასრულეთ მათი ნებაო,
არ მოაკლებდეთ დრამის ფულის
გიბრძანებსთ ქრისტეს მცნებაო“.

მკვდრის ვასვენება თუ გინდა
უნდა მზად გქონდეს თუმანი
(თუნდ კაპეიკიც დაგიკლდეს
ნულარ გაქვს მისგან გუმანი)

ჯვარის წერაზე ხომ იგი
სულ ზომა დაკარგულია
(თუ გინდ თმა წვერიც გაჰკრიჭე
მიეცი მხოლოდ ფულია).

გეტყვის:—თუ მომცემ სამ თუმანს
ეხლავე დაგწერ ჯვარსაო,
თორემ ნაკლებათ მე არც კი
გავაღებ საყდრის კარსაო.

გინდა? დაუაჭე ფულგები
და საქმე გაიჩარხეო,
არა და, ჭირი მომქამე
გამშორდი დაიკარგეო“.

საერთოდ, ხალხის დაჩაგვრა
არის იმისი მიზანი,
აწუ კი მკითხველო თვით მიხვდი
ვინც არის გამოიკანი.

კვანი.

ძან გულ გატეხილი ვიყავი ჩემს აყლაყულა
ნესტორიაზე! იგი თუ რამეთ ივარგებდა არ მეგო-
ნა! ღვთის პირიდან შეჩვენებულს რომ იტყოდენ,
სწორეთ იგი იყო; რა არ ვუქენა მე იმას, ზე გა-
დავაყოლე ჩემი საცხოვრებელი, დიდი ვაი ვუშვე-
ლებელით რავარც იქნა, გავათავებთ ღმერთის
ოთხი კლასი, ტყავს ვეხთიდი პირზე და რამენაი-
რათ თლათ გავათავებებდი, მარა ვინ აცალა,
უბიძგეს მეოთხე კლასიდან და გამოაბუნძულეს
შინ. თურმე დუწყო დევნა თუ სამე ციცე დეი-
ნახა და მეტი აფერი იფიქრა... ჩამეეთრია შინ,
დეისპარტა თვალეზი, დეიწყო სლოქუნი: ბაბა,
შენი ჭირი, ნუ გამიწყრები, კი გამომაგდეს მარა,
ოთხი კლასის ვგზამელიე ქე ჩავაბარე, აფთეკარცკი
უჩენიქათ ქე ვივარგებ და აღგილსაც კას ვიშინო.
არ შეგჭამოს ჭირმა, ვერაფერ საქმეზე ვერ მუფა-
კიდებთ ხელი... დავაყარე სადავე და გოლუში: —
წინ წყალი, უკან მვეყერი, ჯანდაბას წადი შეილო
მეთქინ... მარა ვინ მოგშორდა, სახლიდან ფეხი
ვერ გამოვადგებ. ქე ეგლო ავერ შარშანდლამდი
სახლში, დაბენტერობდა და ქე იყო...

დეიწყო ვანი თუ არა, აბზუა ტუნჩი, შექ-
ნა წრიალი, ბაბა, ბილეთი მომე, საცხა წავალ,
ორ გროშს ვიშინი ამ პახოთობაზეო... სახლში
დიეგდე, ბიჭო, კას დროზე აფერი სიკეთე გიქნია,
ახლა წააქენეტ საცხა თავს და იგი იქნება შენი
შონა მეთქი.

წოროულს აპრილამდი ქე იყო სახლში, აპრილ-
ში დაკრა ფეხი და გადავარდა საცხა... დევიზაფ-
რეთ კაცი, რაც უნდა იყოს, ერთი კეკალი შეი-
ლია იმას ოუვარდა ფშინვა, იმან გვაქამა შიში და
ფეთება.—ჩემს ცოლს—ფოტინას კურცხალი არ
შეწყვეტია თვალეზე.—გვეილა კანკრაზი ექვსი
თვეი, მისი ახვალ-დასავალი ვერსად გვეიგე; ვაც-
ხადე ყოველგან, ერთი გაზეთშიც ქე გამოვაცხადე,
მარა, ვეფერი გვეიგე, არც იმ ღვთის პირიდან წა-
სულმა მოგვეწერა რამე.

ეკენისთვეში, გვეიბე ე, და ქუთაილიდან ჩამევი-
და ჩვენი გეტრიელის ბიჭი და ქუდმოხდილი მო-
ვარდა ჩენსას. —რას მომცემ სამახარობლოსო, მო-
გვაყვირა ცოლქმარს.



— ბიკო გლახა აფერი მითხრა, თვარა ნიგუ-
ზალს გკრავ ყორყაში მეთქინ.

ამიტანა შიშმა, ფოტინას კინალამ შამოუხთა
გულზე...

— თქვი შენ შეჩვენებულო რაზე მეთქინ.
— დეილლარჯა და მითხრა: შენი ნესტორიე ქუთე
ისში ვნახე, გაათიცრებულაო.

— ნუ მეყაშმიერები ბიკო, მართალი მითხარი
იგი აფიცრათ რაე ივარგებდა მეთქინ... მიფიცა,
ზინაბდა, და ბოლოს ქე დამაჯერა. გევიქეცი მაშ-
ვინათე, ვისესხე გზის ფული და მეორე დილას
ქუთაისში გავაყენე ფხეკა... დილა იყო, გევემგზა-
ვრე სალდათების ყაზარმებისაკენ, მივაწიე ახლოს,
თუ არა, ქე დევიანახე ჩემი ნესტორიე გამოჯგომუ-
ლი. რომ არ მცოდნოდა, რაეა ვიცნობდი, ჩინებ
გადაბტყელებული, გამოსკვინჩული, გამოწინწილე-
ბული, ქე უდგა განზე უთოფო სალდათების ღია-
ნგს, მინდოდა მივარდნილიყავი მარა ვინცხამ მით-
ხრა ახლა „ზანიატი“ აქ და არ მიხვიდეო... გავ-
ჩერდი მოშორებით, ევიტუზე, ვუყურებ: შეუფა-
ფხურა სალდათებს, მიაწყო, მიაპრავილა და დაუ-
ყვირა უბედურათ:

„ნააგომარში!!! დოუყვირა თვარა დეიძრა
აგი ქეყანა სალდათები, შექნეს: „ბრახ, ბრახ,
ბრახ... დადვეს თავი, გოუყვენ... გადვირიე კაცი
ვიფიქრე, მარა ვერ მივიაზრე: ამ ბიჭმა რომ დოუ-
მძახა ამ სალდათებს „ნაგომარშიო“,*) რა უნდა ა
ზამთარში იქინეი, ყურძნის კრეფა გათავდა და სიმი-
ნდის ტეხა. სათ მიგყავს ამდენი ხალხი, ან ფეხით
რაფერ ჩააწევენ იქინეი მეთქინ. გევიხედე და ისეე-
ლე მოაბრუნა, ატრულა ერთხანს, და მერმე დეი-
სვენეს.

მივაწურე მინდოდა გადავხვეოდი, მარა „სტო-
იო“ დამიძახა.. შევაშტერდი თვალგბში.. შემაშ-
ტერდა იგიც ოხ, ღმერთი გამიწყლა კინალამ ვერ
ვიცანიო, ჩამომართვა ხელი და მითხრა, ახლა არ
მაქ დროიო და სალამოს მოდი. ზანიატს რომ გა-
ვათავებო.

მივედი სალამოს, მითხრა, ხედავ შენ რომ ამ-
ბობდი ვერ ივარგებო, გახლავარ აფიცერიო.

დილიდან სალამოდე

სულ აღმა დაღმა დაგრბივარ და ვხტუნავ.

— მაგის მეტი თუ არ უნდოდა, ხტუნვა და
სირბილი თავიდან გიყვარდა შენ მეთქი, ვუთხარი.
კოტა ქე ეწყინა აგი, მარა, მერე დედამისის ამბავს
მკითხა


— შვლო, რამდენი გაქ ჯამაგირი.
— სტო სემდესიატ
— შენ კი გენაცვალე, ბაბა, თუ გამომიყვან
სიღარიბიდან ახლაა:

ამეილა ერთი სამი თუმანი და მითხრა:
ახლა აგი წოულე ნენას და მერმე მე ვიცი კილომ
ბევრს გამოგიგზავნიო.

სწორედ შემებარბა აგი აფიცრობა. ბიკო ჩვი-
დმეტი თუმანი არ იხუმრო თვეში, თერმე ახლა
ორი კლასის ატესტატი თუ გაქ პაწე მომზადებით
ქე მიგიღებენ აფიცრის კოაში, ატესტანტი არ მაქ
თვარა, ქე მივემზადები არც ისე გლახა ვარ, მო-
მამზადე ბაბა მეც მეთქინ, ვუთხარი აგი რომ შევი-
ტყვე...

ახლა წადი შინ, ნენაი ამეიყვანე აქნაი,
და შენ კი მოგამზადებ, ნუ გენალვლებო. დავკარი
ფეხი და გამოვბრუნდი სახლში, ახლა პაწას მივაწყე
მოვაწყობ სახლში, წევიყვან ქალს და მეც მევემზა-
დები აფიცრათ ჩემ ბიჭთან, რაე ღმერთი გამიწყ-
რება, ვერ დევიქერ ეგზამენიას, და თუ დევიქირე
მომხედა ღმერთმა, სამ თვეს რაეა ვერ ვიცოცხლებ,
თუ გინდა სადაც გამგზავნონ, სამჯერ—სტო სემ-
დესიატ, პიატ სოტ დესიტ ბუდიტ, ერთს სულსაც
მევიტქვამ და ვალეზსაც გევისტუმრებ, მერე თუგინ-
და ქე მზეზონ ტყვა გულში, ჯანდაბას ჩემი თავი
ივარგა ჩემმა ბიჭმა!..

ლუკაიეს ობოლი.



*) ნაგომარი დაბა არის გურიაში.

პატარა მესტვინული.

(სამტრედიისათვის)

ნულარა მაცდენტ, გამიშვით,
 მომეცი ჩემი სტვირი მე,
 ამბავსა გეტყვით დაბისას,
 მოგლხენთ თქვენი ჭირიმე.
 სხვებს თუ არ სწყალობს დღეს ბედი
 აბა ჩვენი რა ბრალია,
 ჩვენი ვაჭრები ცხონდება
 თუ სადმე სამართალია.
 ყველგან თუ მათი მოძმენი
 ხალხის ნაშრომით სტკებებიან,
 ჩვენი ვაჭრები სულ სხვაა—
 ღარიბებს ეხმარებიან.
 „მეგობარს“ იცნობთ ქუთათურს
 ჩვენი დაბისა შვილია,
 ყველა სტრიქონი გიორგის
 ფულებით აწყობილია.
 ტიტეც ხო იქ მოლარეობს
 აუსრულდა საწადელი,
 ისიდორე დარჩა მხოლოდ
 პრესის „წარმომადგენელი“.
 კომერატორთა კრებაზე
 მოსულიყო ისიც განა,
 ქალაღი და კარანდაში
 ორივე ერთად მოეტანა,
 და ხაზავდა ნელა, ნელა,
 მიმჯდარიყო ერთ კუთხეში
 ბედნიერად გრძნობდა თავსა
 ვითა მწირი სამოთხეში.
 „პედაგოგები“ ჯავრობენ
 გადამემტერა ყველანი,
 გვითხარი თუ ხარ „ალიო“
 რა სურთ არ ვიცი ღმერთმანი!
 ნულარა მაცდენტ, გამიშვით,
 მომეცი ჩემი სტვირიმე,
 მათრახიც უნდა წავიღო
 გამიშვით თქვენი ჭირიმე.

(ღიღი ჯიხაიშისათვის)

ელასაო, მელასაო,
 დღეს მოვსდგები ყველასაო;
 აღარავის გამოვტოვებ,
 ფლიდს და ცრუპენტელასაო.

არცა კაცსა, არცა ქალსა
 კაბა-კულა ჭრელასაო,
 არც ნასწავლებს დაგიზოგავ
 კარტს თუ უწყებს ფენასაო.

უსაქმურსა ქალიშვილებს,
 არშიყთ, მოუსვენარსაო,
 დღე და ღამე ბაზრად ჰყრიან
 შინ აცივებს, კერასაო.
 უშნოთაც რო პარუსკობენ
 აგრძელებენ ენასაო,
 მიეთ-მოეთ, ბატონებსა
 და ჭორების მქსელავსაო,
 ურჩევ ხელი შეაჩვიონ
 სახლში ჭრას და კერვასაო,
 თორემ ბოლოს ინანებენ
 დაიკვნეტენ ენასაო,
 ეშმაკაც, რომ მოინდომოს
 ვერ შეიძლებს შევლასაო.
 არც ხუსუკებს გამოვტოვებ
 მრევლის მლოცველ მამასაო,
 აღაპსა და ქელეხებში
 რომ უხშირეს ჭამასაო.

აწ დავდუმდეთ შემდეგ გეტყვით
 იმათ გვარს და იმათ ჩინსო...
 (სურათებსაც, გაუგზავნი,
 ეშმაკს, ჩემი თვალის ჩინსო).

კიკოლა ბიჭი.

დეპეშები

სუმბატოვო. 22 ნოემბერს დიდის 10 საათ-ზე დაარსდა მომხმარებელი საზოგადოება „იმედი“. საღამოს 7 საათზე წევრები პურს მოითხოვედა. იმედი აქვთ „იმედი“ იმედს გაამართლებს; მხოლოდ იმედი არ აქვთ თუ ოდესმე ადგილობრივ აფთეკაში აფთეკარს ეღირსებიან. ამბობენ ეს ნატვრა მხოლოდ მაშინ შესრულდება, თუ რუსეთ გერმანიის სეპარატიული ზავი მოხერხდა და რაც გერმანიის ფრონტზე გაწვეული აფთეკრებია, ყველა სუმბათოვოში დაბრუნდებაო.

უცნობი.

სუჯუნა. მამა ფილიმონმა სამკითხველოს კრებაზე სასტიკი იერიში მიიტანა „თანამედროვე აზრზე“, როგორც ცუდი მიმართულების გაზეთზე; გაზეთმა უკან დაიხია და „ცუდ ღარის“ ნაპირებზე

ალი.

გამაგრდა. ამბობენ, ხსენებული ფილიმონი ჯვაროსნულ ომს მართავს „აზრის“ წინააღმდეგ. ჯერ-ჯერობით „თანამედროვე აზრი“ კონტრ იერიშებით იგერიებს მას.

კეტი.

„საქართველოს“ რედაქციიდან. ბ. სპ. კედლიამ უარი სთქვა რედაქციაში მუშაობაზე. კნოფლიქტი გამოიწვია უკანასკნელ სურათებიან დამატებაში მოთავსებულმა სტრატეგია — „შემოდგომა და ჩვენი გლენი“. ბ. კედლია უკმაყოფილოა, რომ სურათში გამოირიცხულია

თავადი და არა ნაკლებ მნიშვნელოვანი მღვდელი.

ბ. კედლიას ამის გამო აუარებელი თანაგრძნობის დებულები მოსდის გლენებისაგან მეგრულეთიდან, გურიეთიდან, აჭარეთიდან, ქართლეთიდან, რაჭეთიდან და სხვ.

აღმოსაჩენათ მიღებულია შესაფერი ზომები, მაგრამ ჯერ-ჯერობით მიზანს ვერ მიაღწიეთ. და ამისათვის ვაუწყებთ ყველას, რომ ვითხოვთ მათგან რჩევას და შევლას. ვაუწყებთ მშობლებს, ნაცნობებს, ტოლებს, ჯან-საღებს, გამხორებს, ლოგინში მწოლებს. ვაუწყებთ სევდა დარდში ჩაფლულებს, მისი დაკარგვით ჯვარზე დაცმულებს, რომ დაგვეხმარონ ჩვენ მის პოვნაში და კვლავ მოგვევარონ იგი სკოლაში. მოგვევარონ რათაც უნდა დაგვიჯდეს, ჩვენ გვსურს მის სკამზე სხვა არვინ იჯდეს.

ჭავჭავაძის ბზიკი

მოსსენება

სოფ. ჭავჭავაძის ორშაბათ დილა გათენდა,

რა კარგი დარი დგებოა, ეს ჩვენი ზედამხედველი დუქნისკენ ემგზავრებოა.

იქ იგი თავის საყვარელ ძმა-ბიჭებს ელოდებოა, რაც გუშინ კარტში წააგო, დღესა სურს ამოგებაო.

სკოლა ფეხებზე ჰკილია ახლოს არ ეკარებოა, თან და თან კიდევ ბაჟუები ეცლება, ეკარგებოა.

ამ გვარ ვაჟბატონს, სწორედ რომ მათრახი ეკადრებოა.

ბ.ნო ეშმაკო!

ნება მიბოძეთ, თქვენი პატივცემულ ჟურნალის საშუალებით, გამოვაცხადო შემდეგი საჩუხარო ამბავი:

1915 წ. 14 ნოემბერს, უგზო-უკვალოთ დაგვეკარგა ფრიად თვალსაჩინო მოღვაწე მასწავლებელი ქალი.

გვითხველთა საუკრადლოთ

მწუხარებით ვაცხადებთ სამარედიელ მკითხველთა წინაშე, რომ 1915 წლის „მათრახის“ 12 და 16 ნომრებში მოთავსებული ლექსები ბ. „ალისა“, რომელიც ეხებოდა ვეჟილ ბესოს, ვერ იყო შესაფერისად აღნუსხული.

მათრახის რედაქტორი თ. ბოლქვაძე.

© სახალხო სახლი ©

ოთხშაბათს, 9 დეკემბერს, 1915 წ.

დრამატიული დახის მიერ

წარმოდგენილი იქნება

მსხვესპლი

დრამა 4 მოქმ. გედევანიშვილისა.

დასაწყისი სამოს 8 საათზე.



ბაუფრისილით თქვენს ჯანსრთელუბას — მიირთვიით

უპირისუპირი

მოითხოვით ყველგან

ხილულ-მადნულის სამკურნალო



— ღვინო ისე გაძვირდა, რომ ღარიბმა კაცმა იქნებ ზიარებისათვისაც ვეღარ იშოვოს! ღვინის ასეთმა გაძვირებამ, ღვინოზე აქციზის შემოღებამ და ბოთლებზე ბანდეროლების დაკვრამ ბევრი დააფიქრა. ჯერ კიდევ შობა-ახალწლამდი რამდენიმე ღლეა, მაგრამ ბევრი უკვე ტირას და მოსტქვამს, არ იცის კაი ღლეებზე დრო რითი გაატაროს. მე კი არხეინადა ვარ. რა ჯობია ლადიძის წყალს!! ვენაცვალე მის ასე გემოვნებით შემზავებელს, კაი ღლეებს სიუხიზლეში გავატარებ, არც დავთრები და არც აყალმაყალს ავტებ. გირჩევთ საკაიდღეოთ თქვენც ლადიძის წყალს შეექცეთ და ისიამოვნოთ.



ქართული
ბიროსა

ქალაქ თფილისში

გამოდის ყოველ-კვირეული იუმორისტული გამოცემა

ეჭმაკის მათრახნი

ჟურნალის სამხატვრო და სალიტერატურო მხარეს განაგებენ **ეჭმაკი და თაგუნა**,
ხოლო გამოცემის საქმეს ა. გ. ბუკია.

ჟურნალის ფასი 12 თვით 5 მ. ♦ 6 თვით 3 მ. ♦ 3 თვით 1 მ. 50 კ. ♦ თვით 50 კ.

„ეჭმაკის მათრახნი“ დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები, არაკები, შარადები, გამოცანები, ნაკვეთები და სხვა.

◆ ჟურნალში დაიბეჭდება საერთაშორისო ომის ილიუსტრაციები.

რედაქცია სთხოვს ყველა თანამშრომლებს, მასალები გამოგზავნონ

ამ ადრესით:

Тифлисъ *)

С. Р. Таварткиладзе.
Олгинская 6,
Почтов. ящ. № 96.

(ეჭმაკის მათრახისათვის)



*) ეს ადგილი კონვერტზე მარკისათვის არის დანიშნული და გულმავიწყებს მოვავლნებთ, რომ
◆ უმარკო წერილებს რედაქცია არ დაიხსნის ◆

10-

ქართული ანდაზა.



აქლემები წაიხსუნენ, კოზაკი შუაზე გასჭელიტეს*)

*) ეს სურათი, როგორც მკითხველიც შეატყობს, დახატულია 5000 წლის წინად ქრისტეს დაბადებამდე ქართველი მხატვრის „კრიპტუკის“ მიერ და თუ რამდენათ შორს-მჭვრეტელი ყოფილა აღნიშნული მხატვარი, ამას ნათლად ამტკიცებს დღევანდელი მისი ზედ გამოჭრილად მისადაგება წერა-კითხვისა და საისტორიო საზოგადოებათა შორის ატეხილ დავაზე.

სუა
აბოთი
მეცხე
მეცხე